



21. februar 2011

Inatsisartut suleriaasianni § 37 naapertorlugu Naalakkersuisunut imaattumik apeqquteqarniar-punga.

Naalakkersuisunut Apeqqut:

Atuisartunut pisisarturtullu siunnersuisartoqatigiit, tuniniaasarneq, nalunaaqutsersuisar-neq, akit aamma atuisartunut pisisartunullu maalaaruteqartarfittut ataatsimiititaliat pillugit Inatsisartut inatsisaat nr. 10, 13. november 1986-imeersoq naapertorlugu, niuertarfinni nioqqutissat akii akitsuutaasalu pisinianut tamanut takuneqarsinnaanissaata atuutinneqar-nissaa qulakkeerniarlugu Naalakkersuisut qanoq iliuseqarniarpat?

(Inatsisartunut ilaasortaqa Kristian Jeremiassen, Siumut)

Tunngavilersuut:

Nioqqutissat assigiingitsut akii pisiaralugit aatsaat akitsorsimasut paasineqartarput, innuttaaqateqarpugullu pisiniutissatik naammattusaarlugit pisiniartartut, innuttaasut naammattusaarlutik pisiniartartut illersorneqassappata pisiassat akii niuertarfinni kikkunnut tamanut takusassiarineqartariaqarput malinnaaqqullugit pisisartut akit qaffariarnerinut. Qulaani taaneqartumi inatsimmi ima allassimasoqarpoq:

“§ 17. Kinaluunniit, inuutissarsiutigalugu nioqqutissanik annikitsukkuutaarlugit tuniniaasartog, nalunaaqutsersuinikkut, allagartaliornikkut imaluunniit allatut iliorluni aki pillugu nassuitsumik paasissutissiisussaavoq nioqqutissamut tuniniakkamut imaluunniit nioqqutissanut ataasiakkaanut tunngatillugu.”

Qaasuitsup Kommunea-ni suliffissaaleqisut 1700-it sinnerlugit amerlassuseqarput, suliffissaa-leqisut aammalumi suliffillit amerlasuut ulluinnarni naammattusaarlutik pisiniartariaqartarput taamaattorli niuertarfiit nioqqutissaatitik akii qaffattarlugit taamaalillutik pisiniat naatsorsuu-tinginngsaminnik akisunerusumik akiliisarput.

Qaasuitsup Kommunea-ni 2011 aallarnefigalugu inuuniarneq malunnaatilimmik oqimaanne-rulerpoq makkua pissutigalugit:

1. Akilerarut qaffanenqarpoq 45 % - inngorluni 1. Januar 2011-imiit.
2. Orsussamut aki qaffappoq
3. Anartarfilerinermut eqqaavilerinermut akit qaffapput.
4. Kallerup innera imerlu Nukissiorfiit akinik nalimmasaapput.
5. Pisiniarfinnilu akit qaffallutik.

Taamaammat pissusissamisoorpoq innuttaasut pisiassat akiisa niuertarfinni akitsoriartorneri malinnaaffigissagaat taamaalilluni “nipaarsaarluni” akinik qaffaasarneq atorunnaartinneqassam-mat. Pissusissamisoortutummi isigivara niuertarfinni nivinngaavimmi akit qaffanneri nalunaaru-tigineqarpata niuertarfiutilinniit.

Apeqquteqaatikka ullut suliffiusut 10 qaangiutsinnagit akeqquakka.